

4. marts 2006

UKIU2006/15

Kalaallit Nunaanni inuussutissarsiummik ingerlataqarneq pillugu Inatsisartut inatsisaata allanngortinneqarneranik Inatsisartut inatsisissaattut siunnersuut nr. xx yy. 2006-imeersoq.

(Kalaallit Nunaanni Inuussutissarsiutinik Nalunaarsuiffimmi ingerlatseqatigiiffiit nalunaarsor-neqartussaataitanerat takornarianillu tikittoqarneranut il.il. atatillugu nioqquteqarfiup aalaakkaasup avataani nioqquteqartarneq pillugu maleruagassanik aalajangersaanissamut piginnaatitaaneq).

pillugu

Inatsisartut Inuussutissarsiornermut Ataatsimiititaliaata

ISUMALIUTISSIISSUTAA

Siunnersuutip aappassaaneerneqarnerani saqqummiunneqartoq

Inatsisartut Inuussutissarsiornermut Ataatsimiititaliaat suliarinninnermini ukuninnga inuttaqarpoq:

Inatsisartunut ilaasortaq Ruth Heilmann, Siumut, siulittaasoq
Inatsisartunut ilaasortaq Ane Hansen, Inuit Ataqaatigiit, siulittaasup tullia
Inatsisartunut ilaasortaq Otto Jeremiassen, Siumut
Inatsisartunut ilaasortaq Thomas Kristensen, Atassut
Inatsisartunut ilaasortaq Marie Fleischer, Demokratit

Inatsisartut Inuussutissarsiornermut Ataatsimiititaliaata ulloq 22. februar 2006-imi siullermeerinerup kingorna Naalakkersuisut inatsisissatut siunnersuutaat misissuataarpaa.

Aallarniut

Inatsisip atuutsinneranut atasumik pingaarnertigut marlussunnik allannguisoqarnissaa Naalakkersuisunit pisariaqartinneqalersimavoq:

1. Kalaallit Nunaanni inuussutissarsiutinik ingerlatsinermit Kalaallit Nunaanni Inuussutis-sarsiutinik Nalunaarsuiffimmut ingerlatsiviit nalunaarsorsimasariaqarput, § 5 naapertor-lugu aamma
2. takornarianut nioqquteqarfiup aalaakkaasup avataani immikkut aqqissuussanik nioqquteqarnermi saqqummersitsivinnik pilersitsisinaanissaq pillugu Naalakkersuisut erseqqinnerusumik aalajangersaasinnaasariaqarput, § 13, imm. 3 naapertorlugu.

Tusarniaaneq

Siunnersuut ulloq 8. juni 2005-imi tusarnissaassutigineqarpoq, ulloq 8. julimut piffissalerlugu oqartussanut suliffeqarfinnullu il.il. makkununga tusarniaassutigineqarluni:

- Aningaasaqarnermut Pisortaqaqfik
- NUSUKA
- KANUKOKA
- Politimesteqarfik
- GTE
- ILIK
- GA

Tusarniaaffigineqartunit GA kisimi siunnersuummut oqaaseqaateqarpoq, siunnersuut pitsaasup tungaanut alloriarnertut isumaqarfigineqarluni.

Ataatsimiititaliap sularinninnera

Inatsisissatut siunnersuut pillugu isumaqataaffigilluarneqarmat Inuussutissarsiordermut Ataatsimiititaliap maluginiarpaat. Taamaattoq allanguutissatut siunnersuummi § 1-imi immikkoortoq 6-ip paasineqarnissaanut tunngatillugu ajornartorsiutitaqarunarpog.

§ 13-ip suliassaqarfimmi allanneqarsimasup sukumiinerusumik aqqinneqarnissaa pillugu aalajangersagaq taamaallaat takornariaqarnermut sammitinneqartoq Inuussutissarsiordermut Ataatsimiititaliap paasivaa. Taamaattoq "immikkut aqqissuussinerit il.il." oqaasertaliordera sumut tunngassuteqarnersoq, saqqummersitsivinnillu pilersitsinissamut tuniniaanissamullu periarfissaqarnissap inatsisinut naapertuuttunngortinnissaa taakku immikkut aqqissuussinertut paasinninnissamut ilannguneqarsimanersoq ataatsimiititaliap paaserusuppaa.

Isumasioqatigiinneq

Ataatsimiititaliap siunnersuummik sularinninnerminut atatillugu ataatsimiititaliap Inuussutissarsiordermut, Nunalerinnermut Suliffeqarnermullu Naalakkersuisumik Siverth K. Heilmannimik isumasioqateqarpoq. Isumasioqatigiinnissamut

aggersaassutip Naalakkersuisunullu ilaasortap oqaatigisaasa nuutinneri isumaliutissiissummut matumunnga ilanngussatut ilanngunneqarput.

Ataatsimiititaliaq isumaqatigiittoq siunnersuut pillugu ima oqaaseqaateqassaaq:

Inatsisissatut siunnersuut pillugu isumaqataaffigineqarluarmat
Inuussutissarsiornermut Ataatsimiititaliap aammaarluni oqaatigissavaa.
Taamaalilluni ataatsimiititaliap tungaaniit annertunerusumik oqaatigisassaqaqngilaq.

Tamanna tunngavigalugu ataatsimiititaliap isumaqatigiittup siunnersuut
Inatsisartunit akuerisassanngorlugu innersuussutigaa.

Taama oqaaseqarluni Inatsisartut Inuussutissarsiornermut Ataatsimiititaliaata siunnersuut aappassaaniigassanngortippaa.

Ruth Heilmann, Siumut,
siulittaasoq

Ane Hansen, Inuit
Ataqatigiit, siulittaasup
tullia

Otto Jeremiassen,
Siumut

Thomas Kristensen,
Atassut

Marie Fleischer,
Demokraatit

[Ilanngussaq 1](#) (pdf-format)

[Ilanngussaq 2](#) (pdf-format)